

# მ ე მ ო რ ა ნ დ უ მ ი

ა(ა)იპ „სამცხე-ჯავახეთის სახელმწიფო სასწავლო უნივერსიტეტი“ და ა(ა)იპ „საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტს“ შორის ურთიერთთანამშრომლობის შესახებ

ქ. თბილისი

05 თებერვალი 2013 წ.

ერთი მხრივ, ა(ა)იპ „სამცხე-ჯავახეთის სახელმწიფო სასწავლო უნივერსიტეტი“ (შემდგომში „უნივერსიტეტი“), წარმოდგენილი მისი რექტორის მოვალეობის შემსრულებლის, სრული პროფესორის მერაბ ბერიძის სახით და მეორე მხრივ, ა(ა)იპ „საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტი“ (შემდგომში „ქართული უნივერსიტეტი“; ხოლო, ორივე ერთად „მხარეებად“ წოდებულნი), წარმოდგენილი მისი რექტორის, სრული პროფესორის სერგო ვარდოსანიძის სახით, ვმოქმედებთ რა საქართველოს მოქმედი კანონმდებლობის საფუძველზე, თანასწორუფლებიანი, ურთიერთთანამშრომლობის პრინციპებზე დაყრდნობით, ორმხრივი ინტერესების გათვალისწინებით: სასწავლო პროცესის სრულყოფისა და სამეცნიერო პოტენციალის გაზრდის, დაინტერესებული პირებისათვის კვალიფიციური განათლების მიცემის მიზნით, ვდებთ წინამდებარე მემორანდუმს:

## 1. მემორანდუმის საგანი

- 1.1 მხარეთა ურთიერთთანამშრომლობა აკადემიური უმაღლესი განათლების საგანმანათლებლო პროგრამების, სამეცნიერო კვლევების, თანამედროვე და ეფექტიანი სწავლების მეთოდების განსახორციელებლად.

## 2. თანამშრომლობის მიზნები

- 2.1 მხარეთა შორის თანამშრომლობის მიზნებს წარმოადგენს:
  - 2.1.1 თანამედროვე სტანდარტებზე ორიენტირებული უმაღლესი განათლების შეთავაზება, სტუდენტების პიროვნული პოტენციალის რეალიზება, მათი უნარ-ჩვევების განვითარება და კონკურენტუნარიანი კადრების მომზადება;
  - 2.1.2 უნივერსიტეტისა და ქართული უნივერსიტეტის სტუდენტებისა და პროფესორ-მასწავლებლებისათვის სასწავლო და სამეცნიერო-კვლევითი პირობების გაუმჯობესება;
  - 2.1.3 მხარეთა სტუდენტებისა და აკადემიური პერსონალის მობილობის წახალისება, მათი ჩაბმა აღნიშნულ პროცესში;
  - 2.1.4 კვალიფიკაციის მინიჭებისა და აღიარების შეთანხმებული მექანიზმებისა და პროცედურების შემუშავება;
  - 2.1.5 მხარეთა ერთობლივი საგანმანათლებლო პროგრამებისა და სამეცნიერო-კვლევითი პროექტების შემუშავება და რეალიზება.
  - 2.1.6 სწავლების თანამედროვე და ეფექტიანი მეთოდების განვითარებაში მიღწეული შედეგების ურთიერთგაზიარება;
  - 2.1.7 სასწავლო და სამეცნიერო-კვლევითი ლაბორატორიების ერთობლივი გამოყენების ხელშეწყობა;
  - 2.1.8 უნივერსიტეტისა და ქართული უნივერსიტეტის სტუდენტებისათვის თითოეული მხარის საუნივერსიტეტო ბიბლიოთეკით სარგებლობის ხელშეწყობა.
  - 2.1.9 თითოეული მხარის სტუდენტ(ებ)ისათვის მეორე მხარის სასწავლო გეგმით გათვალისწინებული ზოგიერთი სასწავლო კურსის მოსმენისა და სათანადო შეფასების მიღების შესაძლებლობის მიცემა; აგრეთვე აღნიშნული შეფასებისა და შესაბამისი კრედიტების აღიარება იმ მხარის მიერ, სადაც სწავლობს სტუდენტ(ებ)ი.

2.2 თითოეული მხარის აკადემიური პერსონალისათვის ხელის შეწყობა, რათა მათ შეუფერხებლად წაუკითხონ ლექციები მეორე მხარის ბაკალავრიატის, მაგისტრატურის ან/და დოქტორანტურის სტუდენტებს, უხელმძღვანელონ მაგისტრანტებსა და დოქტორანტებს და მონაწილეობა მიიღონ სადისერტაციო საბჭოების მუშაობაში.

### 3. სხვა დებულებანი

- 3.1 წინამდებარე მემორანდუმის შესრულებასა და განმარტებასთან დაკავშირებული სადავო საკითხები გადაიჭრება კონსულტაციებისა და მოლაპარაკებების გზით.
- 3.2 მემორანდუმში მხარეთა ორმხრივი შეთანხმების საფუძველზე შეიძლება შეტანილ იქნას ცვლილებები და დამატებები.
- 3.3 წინამდებარე მემორანდუმის მიზნებიდან გამომდინარე, ურთიერთთანამშრომლობისა და დახმარების კონკრეტული მიმართულებები, ფორმები და ფარგლები განისაზღვრება ამ მემორანდუმის საფუძველზე საქართველოს მოქმედი კანონმდებლობის შესაბამისად, გაფორმებული დამატებითი ხელშეკრულებებით (შეთანხმებებით).
- 3.4 წინამდებარე მემორანდუმის რომელიმე დებულების ბათილობა არ იწვევს მთლიანად მემორანდუმის ბათილობას.
- 3.5 მემორანდუმში ძალაში შედის მხარეთა მიერ მისი ხელმოწერის დღიდან და მოქმედებს განისაზღვრელი ვადით მხარეთა მიერ რამე სხვა სახის გადაწყვეტილების მიღებამდე.
- 3.6 წინამდებარე მემორანდუმში შეიძლება შეწყდეს ერთ-ერთი მხარის ინიციატივით, მეორე მხარისათვის ექვსი თვით ადრე წინასწარი წერილობითი შეტყობინების საფუძველზე.
- 3.7 წინამდებარე მემორანდუმში შედგენილია ქართულ ენაზე თანაბარი იურიდიული ძალის მქონე ორ ეგზემპლარად და ინახება მხარეებთან.

### 4. მხარეთა ხელმოწერები

ა(ა)იპ „სამცხე-ჯავახეთის სახელმწიფო სასწავლო უნივერსიტეტი“  
მის: ქ. ახალციხე, რუსთაველის ქ. 106

რექტორის მოვალეობის შემსრულებელი:



/მერაბ ბერიძე/

ა(ა)იპ „საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტი“  
მის: ქ. თბილისი, ჭავჭავაძის გამზ. №53ა

რექტორი:



/სერგო ვარდოსანიძე/



შეთანხმება ურთიერთთანამშრომლობის მემორანდუმში ცვლილებების შეტანის შესახებ

ქ.ახალციხე

“-26—” “—10—” 2013 წ.

ერთი მხრივ, სსიპ სამცხე-ჯავახეთის სახელმწიფო სასწავლო უნივერსიტეტი (შემდგომში “უნივერსიტეტი”) წარმოდგენილი მისი რექტორის, პროფესორ მერაბ ბერიძის სახით და მეორე მხრივ, ა(ა)იპ “საქართველოს საპატრიარქოს წმინდა ანდრია პირველწოდებულის სახელობის ქართული უნივერსიტეტი” (შემდგომში – “ქართული უნივერსიტეტი”) წარმოდგენილი მისი რექტორის, პროფესორ სერგო ვარდოსანიძის სახით ხოლო, ორივე ერთად “მხარეებად” წოდებულნი საქართველოს მოქმედი კანონმდებლობის, მხარეთა შორის 2013 წლის 05 თებერვლას გაფორმებული ურთიერთთანამშრომლობის მემორანდუმის მე-3 პუნქტის 3.2 ქვეპუნქტისა და “არასამეწარმეო (არაკომერციული) იურიდიული პირის - სამცხე-ჯავახეთის სახელმწიფო სასწავლო უნივერსიტეტის რეორგანიზაციის შესახებ” საქართველოს მთავრობის 2013 წლის 30 ივლისის №194 დადგენილების შესაბამისად, ვდებთ წინამდებარე შეთანხმებას შემდგომ:

1. შეტანილ იქნეს ცვლილება მხარეთა შორის 2013 წლის 05 თებერვლას გაფორმებული ურთიერთთანამშრომლობის მემორანდუმის პრეამბულასა და მე-4 პუნქტში (მხარეთა ხელმოწერები) ჩამოყალიბდეს შემდეგი რედაქციით:

“ერთი მხრივ, სსიპ სამცხე-ჯავახეთის სახელმწიფო სასწავლო უნივერსიტეტი (შემდგომში “უნივერსიტეტი”) წარმოდგენილი მისი რექტორის, პროფესორ მერაბ ბერიძის სახით და მეორე მხრივ, ა(ა)იპ “საქართველოს საპატრიარქოს წმინდა ანდრია პირველწოდებულის სახელობის ქართული უნივერსიტეტი” (შემდგომში – “ქართული უნივერსიტეტი”) წარმოდგენილი მისი რექტორის, პროფესორ სერგო ვარდოსანიძის სახით ხოლო, ორივე ერთად “მხარეებად” წოდებულნი, ვმოქმედებთ რა საქართველოს მოქმედი კანონმდებლობის საფუძველზე, თანასწორუფლებიანი, ურთიერთთანამშრომლობის პრინციპებზე დაყრდნობით, ორმხრივი ინტერესების გათვალისწინებით: სასწავლო პროცესის სრულყოფისა და სამეცნიერო პროტენციის გაზრდის, დაინტერესებული პირებისათვის კვალიფიციური განათლების მიცემის მიზნით, ვდებთ წინამდებარე მემორანდუმს:”

2. შეთანხმება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად, რომელიც წარმოადგენს მხარეთა შორის 2013 წლის 05 თებერვლას გაფორმებული ურთიერთთანამშრომლობის მემორანდუმის განუყოფელ ნაწილს და ინახება მხარეებთან.

სსიპ – სამცხე-ჯავახეთის სახელმწიფო

ა(ა)იპ “საქართველოს საპატრიარქოს წმინდა ანდრია პირველწოდებულის სახელობის ქართული უნივერსიტეტი”

სასწავლო უნივერსიტეტი

რექტორი, პროფესორი

მერაბ ბერიძე

ბ. ა



რექტორი, პროფესორი

სერგო ვარდოსანიძე

ბ. ა

